

度喬二郎

京師喬公二郎富豪好禮英勇撝謙真意待人慈心及物常施棺埋骨煮粥濟貧得感呂帝會遇自相見後每索酒飲至大醉或求錢物濟人喬欣然取與初無慳吝且時以狂放語言觸逆喬心如是者往來幾年餘喬公絕不介意帝君嘉其德行援以修真臨辭去贈長歌一篇歌見詩集中喬後因之證道

度陳七子

刀鐸工陳七子偕妻坐茶肆梳剃一日有道人攜白金一錠求剃鬚髮陳纔剃卽生旣生隨剃如是者自旦及暮夫婦迭換數次而手幾脫腕鬚髮仍然陳心異其人因跪請曰幸教某道可

道藏輯要

聖蹟紀要

醫

壁集五  
XO川

乎道人曰吾翌旦至陳早起俟之不至待月餘寂然遂棄業浪跡雲水間求之數十年無所遇意稍懈思歸去家纔五里許忽見道人自山徑中出曰吾呂公也子精忱如此何患不成道乎乃授以丹訣併與詩曰攜手三清玉帝鄉宿生緣契不尋常與君一轉金刀手削去滿頭無限霜後七子精修成證與師偕往

度楊太明

南康楊太明事親純孝執親之喪必廬墓三年時值七月七日楊尙居廬呂帝語之曰子八月有厄服吾藥則無恙腹間出一小壺取藥投太明吞之已而指梳上布袍曰能與我乎楊唯唯帝君納諸壺中楊滋感帝君笑曰吾豈爲是哉姑試子耳復探

諸壺還之少頃取水投藥以手和之如彈丸光彩奪目謂楊曰願餌之乎楊答曰稍遲祖乃自餌焉徐云擬議卽非也子居此良苦亦思所以供朝夕否吾有以遺子乃取土一塊噓之成紫金楊謂以利餌我卻不受祖卽蹴金成石楊復曰諸君皆有詩遺我道人能惠好音乎呂祖應聲援秃筆拂地三四次濡杯水大書其壁曰楊君真確士孝行洞穹壤皇天憐其難七夕遣追往逡巡藥頑石遺子另饋享子旣不我受吾亦不知強風埃難少留願子志勿爽會當首鼠紀青雲看反掌末書回客贈卽辭去其字初若暗昧不可識已而色渥如赭入壁數分後至子年正月呂帝來與之偕往焉

道藏輯要

聖蹟紀要

聖

壁集五

度黃先生

黃先生一中棄儒入道篤志皈依建菴桐柏山中接待雲遊道眾數年未常少怠一日呂帝過之造菴求掛搭黃見其品格非常每日敬待不弛而呂帝故觸逆以試其心黃恬不爲怪誠謹愈加呂帝始授以密印黃得大洞徹明將別去黃拜求法語帝贈以長歌一篇末書云昌虛中留此片言用表其意他日相逢必與汝訣莫退初心善養善養後三年黃隨呂帝隱去

度施肩吾

施肩吾字希聖潞浦人少事佛博經史攻詞章後隱居豫章西山學道遇呂帝教以五行顛倒之法三田反覆之義得以證立